

Band II., Nr. 464, Seite 268-269

Bischof Konrad von Worms erkennt das zwischen der Marienkirche bei Worms und dem Kloster Odenheim streitige Sechstel des Patronatrechts an der Kirche in Großgartach im Vergleichsweg dem letzteren zu.

Worms, 1190. Mai.

C.¹, dei gratia humilis episcopus Wormatiensis ecclesie, Sifrido, venerabili abbati Otenheimensis ecclesie, cunctisque sibi regulariter in eadem ecclesia successuris in perpetuum. In querimoniis, rationabili iudicio vel transactione decisis, cautum est, ut decisionis forma scriptis memorabilibus annotetur, ne malignantium insidiosa sagacitas, seu preteritorum oblita posteritas, ea que rationabiliter sopita fuerint, rursus excitare conetur. Ad noticiam igitur tam presentis etatis quam secuture posteritatis deducere curavimus, qualiter domna Sophia, venerabilis abbatissa ecclesie sancte Marie in suburbio Wormatiensi, domnum Sifridum, reverendum abbatem Otenheimensis ecclesie, super iure patronatus sexte partis ecclesie in Gartache coram nobis impetiit, asserens, legitimis hanc testibus et instrumentis se posse defendere. Abbas e contrario legitimis testibus et instrumentis ius foundationis in totam ecclesiam sibi et antecessoribus suis per XL annorum prescriptionem tueri conabatur. Super his vero dictante sententia, ut utriusque partis testibus et instrumentis diligenter examinatis pars sanior in causa prevaleret, diem peremptorium eis prefiximus. Porro dum utraque pars, testium et instrumentorum tuentibus fulta presidiiis, ad constitutum diem iudicio nostro assisteret, et testium hinc inde et instrumentorum probabilitas adeo favorabilis videretur ut, quem alteri preferenda esset, nemo facile posset advertere, quatuor utrobique arbitrorum se commisit iudicio. Quorum sane consensus hanc transactionis formam in medium proposuit, ut domnus abbas provenientes eodem anno fructus de prefata ecclesia domnæ abbatisse ex integro percipiendos remitteret, quatenus inde predium ecclesie beate Marie in recompensationem patronatus sexte partis compararet, et ipsa quidem mediante consensu tocius sui capituli, tam pro se quam pro cunctis sibi successuris, iuri foundationis quod in hac parte videbatur habere penitus renuntiaret, abbas vero et omnes eius successores patronatum in totam ecclesiam de cetero irrefragabiliter optinerent. Hec siquidem iuxta quod arbitri proposuerant coram nobis fideliter executioni mandata scripto nostro commendare et bulla corroborare volumus, ut domnus abbas et tota eius successio integram foundationem suam

¹Konrad II., regierte 1171–1192.

II

omni evo ratam et inconvulsam possidere valeant. Si quis vero contra hanc nostre corroborationis paginam aliquid ausu temerario machinari presumpserit, auctoritate apostolorum Petri et Pauli et domni pape Clementis et nostra se noverit excommunicationis penam et indignationem dei omnipotentis, ac Iude traditoris dampnationem meruisse.

 Datum Wormatie, anno dominice incarnationis MCXC, indictione VIII., mense Maio, imperante serenissimo domno Friderico, Romanorum imperatore augusto, regnante domno Heinrico, gloriosissimo Romanorum rege augusto, et nobilissima Romanorum regina Constantia. Clerici testes: Lupolt, prepositus Nuhusensis ecclesie. Marquart, prepositus sancti Pauli. Herbolt, maioris ecclesie decanus. Eberhart cantor. Hartunc. Cunrat, decanus Nuhusensis. Giselbreht, decanus sancti Pauli. Rudolf, decanus sancti Andree. Eberhart, custos sancti Andree. Wernher. Eberhart. Hartunc. Sigebodo. Gregorius, scolasticus sancti Pauli. Gerwin. Heinrih. Cunrat. Erhinbertus archipresbyter. Ludewic de Wimpina. Dimar de Otenheim. Cunrat, plebanus ecclesie in Gartahe. Wolfram de Gartahe. Laici testes: Gernot. Gerhart. Gernot. Wicnant. Walther. Albreht comes. Edelwin. Albreht. Godefrit de Weibistat. Adelrat de Steinisberg. Raunen de Wimpina.

—

Der Textabdruck folgt dem Original.

 Von der früheren Besiegelung zeugen nur noch die Einschnitte im Pergament zum Durchziehen der Siegelschnur.

Überlieferung und Publikationen

Lagerort:

HStA Stuttgart

Signatur/Titel des Originals:

A 601 U7

Überlieferung und Textkritik:

Orig. und Vidimus von 1735 April 1; HStA Stuttgart A 330 Bü 18:
Vidimus des Notars Johann Braun zu Bruchsal von 1671 Januar 28
und vidimierter Extrakt der gehaltenen Synodi im Bm. Worms, betr.
d. Kirche zu Grossgartach von 1496

Weitere Angaben

Sprache:

Lateinisch

Ausstellungsort:

Worms

Ortsindex:

Großgartach Wohnplatz (2040)
 Großgartach, Leingarten, HN
 Konstanz Wohnplatz (14442)
 Konstanz, KN
 Neuhausen,
Worms, WO
 Odenheim Wohnplatz (5432)
 Odenheim, Östringen,
KA
 Waibstadt Wohnplatz (6572)
 Waibstadt, HD
 Weiler : Sinsheim HD
 Weiler Wohnplatz (6556)
 Wimpfen im Tal Wohnplatz (1853)
 Wimpfen im Tal, Bad Wimpfen, HN
 Worms, WO